

平樂府志卷三十一

古蹟部

遺址

平樂縣

平樂州城在今縣西南三里荔江口亦名樂州城

明一統志唐初置孤州舊城即古州在城東南四十里

樂山里唐天寶築尋廢胡志唐天冊萬歲元年築輿地

紀勝古州今訛為孤州名勝志

崑崙舊城在城東南今廢胡志在東南四十里省志建

置未詳一統志

茶城縣舊城在津平里虎步江口秦漢以來即平

平樂府志 卷三十一 遺址

樂地唐析平樂置縣

永平縣舊城在東鄉望歷塘村隋置宋開寶中廢

沙亭縣舊城唐武德間置貞觀間廢在城東南十

里許走馬坪通志又作府城東二百五十里疑誤

胡志昭州西三十五里有沙亭水在舊縣西北寰宇記

梅花園未詳所在鄒浩有記胡志

按金志梅園在天繪閣後宋鄒浩有記并作

拱梅亭詩胡志梅花園疑即梅園

宛在園甘坦齋別業在桃竹山池之中央

逸我山莊在城北明唐吏部之園亭即今之得月

亭也





休菴在城外袁太常致政家居所構

觀風亭未詳所在胡志

十愛亭在邑治西北光孝門側提學署東梅摯建  
有十愛詩石刻今廢

梅公亭在邑治東梅摯建今廢

翔風亭鄒忠公謫昭嘗寓王進士之拾青閣亭在  
山半公因為題此名胡志王子山腰松竹深茂處築

亭避暑省志

直節流風亭在感應泉上今圯

直節清踪亭在感應泉旁知府袁襄因舊亭改此  
名胡志又有直諫流芳亭嘉靖間建

平樂府志

卷三十一 遺址

二

適然亭在舊兵備道署後地副使鄭岳建

多景亭在東山寺後今廢

餘樂亭在演武廳後副使張宏宜建今廢

明秀亭在南門外創於鄒忠公元完不花重葺劉  
懷遠修明正德間同知陳珙改建萃美坊今廢

天繪亭在西山福聖寺前今廢

友松亭在舊平樂所東明指揮魯宗貴建今廢築  
點翠亭在濼樂二水間印山上又名印山亭明正

統七年知府唐復建康熙四十八年署知縣張載

齡修雍正八年知府袁承紉重修省志

逢年亭百姓為知縣鄭圭建胡志



按金志崇禎間知縣鄭圭建縣志未詳所在  
今莫考

貞心亭在城北教場青獅山下平樂千戶劉登凌

建久廢胡志明知縣鄭圭為千戶所劉登凌建省志

君子亭未詳所在

退藏亭在兵備道署內副使龍大有建

洞仙亭在仙宮嶺下知府楊榮蔭建環亭皆池遍

植芙蓉

得志軒在仙宮嶺下鄒忠公有記胡志在木梁塘邑

處士張雲卿所居省志

拱北軒在仙宮嶺下鄒忠公建有記

平樂府志 卷三十一 遺址

三

得月亭副總文養謚建總督吳興祚題額其地即

洞山亭舊基胡志在城北即明唐吏部逸我山莊舊

址省志

北山亭在城北

覽輝亭鳳凰山太和宮前

濺珠亭在城東滴珠巖俗呼為接官亭

鎮粵臺在城東壽佛庵前胡志在城東一里今為壽

佛庵省志

清香亭舊縣治內知縣楊汝濟建郡守吳繹題胡志

於亭外鑿池種蓮省志

一文亭士民為郡守慕國瑄建在熒惑祠前



書雲樓在府城西

捲雨樓在子城西

寧遠樓即府城西門樓其北門曰鎮夷省志

鎮粵鎮在東山久廢

籌邊樓在城東南元萬戶劉克剛建夜鳴鼓角至大四年徙於西南皇慶元年僉憲忽都謂白虎方安得置鼓角仍移東南後廢康熙三十一年知府陸鍾呂重建

政平樓在縣治儀門即今之提學道署也胡志今改安定門樓

鳴陽樓在舊縣署即學使署內

平樂府志

卷三十一

遺址

四

昭文樓在舊府學詳宦績胡志明宣德十年建繪古

勤學者於壁以勵多士何自學有記省志

三瑞樓又名七松樓在西城上今廢

鳳凰樓在北城內鳳凰山巔太和宮前今廢

青雲樓在縣治南今廢

江樓在城東袁太常構胡志著有江樓十二詠景極

幽勝省志

清華閣在仙宮嶺下宋鄒忠公建今廢

鳴峒亭在鳳凰山今廢

來仙閣在仙宮嶺下舊名澹翠宋郡守王藻以鄒忠公有偶向人間作謫仙倏來倏去住經年之句



易此名今廢

雙榕閣府東二里濱江取昔人詩風撼雙榕老樹

秋之句今廢胡志踞雙榕之間省志

天繪閣在城北北山寺中宋鄒忠公嘗居此今廢

胡志

天繪亭夷堅志郡圃有亭名天繪郡守以與金國

年號同欲乞名於徐師水易之忽積壤中得片石

其略云予擇勝此亭名曰天繪後某年月日當有

俗子易名清暉者可為一笑鄒道鄉詩江山天繪

出畱待主賓同方輿勝覽考命名之日與此不差其地

在西山寺前依金嶺面灘樂二水省志

平樂府志

卷三十一

遺址

五

按胡志天繪亭一在西山福聖寺前今廢與

省志合不知北山何以又載一閣也

拾青閣在仙宮嶺即鄒道鄉故居省志

唐儋州司馬薛季昶墓今無考見忠義

嚴忠靖公墓山陰嚴起恒明季孫可望請封公堅

持異姓不王之制遂死於難藁葬南寧桂王為立

鑑湖先生石以誌其處後公之次子文馴尋得之

扶櫬歸里道經平樂裝盡遂葬於津平里楊梅村

胡志

按起恒

國朝諡忠節



朱將軍墓臨桂朱旻如明末官總兵封鎮西將軍  
守平樂庚寅城不守單騎還 盡殺其妻妾子女  
乃左手握印右手拔刀自刎怒氣如生部曲蕭伯  
雄冒死收骸藁葬得月西岡周王廟廢基上康熙  
三十三年平邑士庶節其地改葬焉袁景星爲之

修墓

省志

萬人塚城西南更鼓灘上都司吳錫綬殉難處每  
陰雨日暮聞鐵騎聲

感應泉在城北今嘉應廟側有侍郎井卽此昔鄒  
忠公謫昭州所居仙宮嶺下忽有泉湧出清冷瑩  
潔因疏爲井名曰感應泉後將召還泉涸

平樂府志

卷三十一

遺址

六

魯般井在考槃澗口大通橋側明解縉有詩勒石  
於井傍袁太常曰魯般井在滙潭灣岸東山寺左  
口闊丈許深五六尋砌甃精巧迥異常井砌磚有  
劉光祖三篆文豈鑿井之工抑陶磚也年久失考  
不知鑿自何代相傳一晝夜成功殊非人力蓋公  
輸神也井上有魯般殿祀公輸順治庚寅大兵克  
平樂積屍盈井嗣後市人無至井汲者因而殿毀  
墻崩井水枯竭荆棘叢生康熙癸卯東山寺住持  
靜然始剪草除棘募工淘浚及底有赤龍四分鎮  
四隅張口吐泉泉盈井其龍赤如丹砂淘工以刀  
刮之始知其質爲紅銅市人照常汲水然水味腥



不可飲大異昔日因廢而不汲云胡志

魯般井故址已為土人填塞無考廟移東山寺後

石碑一通在鹽卡房西數步明副使李如圭和解

縉詩并原唱書兼行楷高約四尺嘉靖戊子三月

上石詩詳藝文

金沙井在縣署東南隅塘背巷內唐李義山詩繩

爛金沙井即此舊志謂近為僧填使千百年之古

蹟不可復問惜哉

敬公井在城北龍興觀唐昭州太守敬超先所鑿

梅公井宋知昭州軍事梅摯鑿舊縣志曰在府治

東大街通志曰在城隍廟前今在縣署或謂即東

平樂府志 卷三十一 遺址

七

山麓之馬王井

張公井在兵備道大堂右明副使張吉所鑿為府

泉第一

劉氏井甃砌堅整在縣署東南半山中金沙巷後

恭城縣

故城在縣東一統志太平興國元年徙治於北鄉龍

渚市景定五年復舊宋史地理志

按金志故城唐置在縣治東鳳凰山下三百

逼江廢址猶存明成化十三年知縣夏瑋遷

今治

御史堂周渭故居城東五里路口村秀峰羅列溪



水環流今圯

御史臺卽蟠駝石城東四里高丈餘橫濶二丈上寬下窄周渭幼坐此石牧牛遇風雨卽避石下教諭封安邦因鐫御史臺三字於石傍

佛巖宋進士田開讀書處

峻巖宋進士周述讀書處

鳳巖明解元周嘉賓讀書處

唐葉靖祖墓方輿勝覽云在平島山靖有道術嘗與明皇乘雲幸陳滿堂家每歲必來省墓去墓十里有大悲寺元豐初有客葉姓者借宿於寺口占詩八句僧但記其結句云來朝蓬島去白雪滿頭

平樂府志

卷三十一

遺址

八

飛誥旦啟戶人馬俱失

名勝志

金芝寺巖有蔣鍾奇餐秀詞刻石

趙文敏書甯壽二字字約徑尺新化孫昌銘臨桂王濤摹泐于城隍廟壁

富川縣

故城東南至賀州一百四十五里本漢縣

元和志

故

城在鍾山下

明一統志

古龍平縣在一六都牛廟寨後梁靜州及龍平郡唐富川皆治於此

胡志

明嘉靖間里民鍾秉益掘地得龍平縣印送府貯庫

縣志

按平樂漢屬蒼梧其地卽荔浦又今之富川



地

立山廢縣在府城東二百一十二里唐置

按唐武德改立山縣置荔州荔州漢平樂地

古馮乘縣在縣東三十里唐析馮乘以北入江華

縣胡志廢縣在今縣北七十里靈亭鄉一統志

綏越廢縣在蕩山縣南一百里一統志梁置隋省舊

址無考或云在縣治南縣志

行春臺見山川部

故城舊縣治今為團堡鹽埠在此

林公石庄在隱山潛德巖元豐二年林通題胡志宋

御史林通歸隱處鐫潛德巖三大字刻刻宋元豐

平樂府志

卷三十一

遺址

九

辛酉林通達夫識縣志

隋安樂縣君蔣氏墓在白馬唐許國公蘇頲撰神

道碑省志在縣西兩石相合如掌內刻文縣志

唐賀州刺史毛裘墓在秀峰西大鵬嶺

宋流寓周宏頌墓在黃竹山胡神櫟與妻趙氏並

厝有宋徽宗宣和六年碑誌

明義士周真墓在鐘山鎮祿貴山麓

賀縣

蕩山縣梁置隋廢唐置宋又廢胡志在縣西南開寶

四年廢入臨賀縣為招賢鄉寰宇記招賢鄉今屬昭

平縣縣志



封陽縣漢舊縣宋廢胡志封陽縣在縣南開寶四年

省入臨賀為信都鄉寰宇記今信都鎮在縣南一百

里即封陽墟也縣志在封水之陽故名即臨賀水也

金志

桂嶺縣唐置元廢胡志在縣東北一百里桂嶺下縣志

桂嶺漢屬臨賀郡晉改曰興安隋開皇十七年虞

慶則平李世賢還潭州登眺形勢謂此城險固十

八年改曰桂嶺金志

披雲亭宋建

臨賀縣漢置明廢胡志在縣城內省志

馮乘縣漢縣宋廢縣東三十里以馮溪得名

平樂府志

卷三十一 遺址

十

迎碧亭玉印山上

十箴堂宋周必大十箴刻石在縣治內一統志

中和堂在舊州治中今圯

天師舊宅在賀州道錄以為元中大法師今以宅

為廟廟中有美果實往來人食之無患惟采收必

致禍風土記

望雲樓宋守黃尚賢建今無考省志

荔枝亭在郡治譚良佐建方輿勝覽今無考省志

清音閣傍有瀑布故名宋知州譚良佐建今圯在

縣西五里胡志佛寺之西有瀑布巖方輿勝覽

廣陽島三大字宋人石刻在鍾山碧雲洞



修仁縣

武龍廢縣在縣西北一統志

建陵縣吳置故城在縣南縣志舊縣治馬良坪在縣

西三里或曰治南隘口明永樂初為賊所陷景泰

初遷壩寨村在縣南二里天順中復陷於賊成化

十五年遷於五福嶺即今治一統志

荔浦縣

故城在今縣治西一統志舊縣治在今縣西永蘇里

荔江之濱明洪武元年知縣馬宥築土城今故址

尚存省志尋徙後山即今治

荔州城周數十丈高丈餘基址屹然胡志在縣西四

平樂府志

卷三十一

遺址

十一

十里

澄賀縣在縣西二十里城址猶存省志統志作澄河

按澄賀縣不知何時置

鎮鄒關縣北三十里兩山夾道因以名關

永甯廢縣在縣西北五十里省志本三國吳永豐縣

一統志熙甯四年廢為鎮入荔浦宋史地理志荔浦縣有

永甯鎮九域志永甯鎮在縣西北五十里縣志隋省永

豐唐復置曰豐水五代馬氏更永甯金志

崇仁廢縣在城西南省志

中峒土司廢城在縣東南十五里門樓四座周

百八十五丈高一丈六尺省志



下峒土司廢城在延賓江縣東三十五里門樓止  
北面一座周一百三十七丈高一丈七尺省志  
方山在縣東方輿記云方山對九疑高下正相類  
又縣東山曰銅鼓盤曲數十里望之極高傳云古  
方山也

獻花亭唐太中二年李德裕貶崖州司戶次荔州  
郵亭有數女執花來獻故名

楊文廣城縣西二十五里廣征蠻過此築土城舊  
址尙存

鐵帽在小木巖旁約重二百餘觔俗傳楊文廣征  
蠻遺此雖年遠光彩如新有治人利其鐵隨卽昏

平樂府志

卷三十一

遺址

三

斃土人病輒往禱卽愈金志

鐵鎗在小木巖後紅山上楊文廣所遺金志

表節亭在縣官渡南岸省志

芙蓉亭在縣南城外省志

莫王墓在縣西永蘇里省志

昭平縣

古龍平縣在思勤陶唐村亦名思勤縣梁靜州及  
龍平郡唐富州皆治於此胡志卽今古縣塘縣志龍平  
故城唐爲富州治一統志縣舊治太平嶺在府江西  
岸有城明初廢成化中置昭平堡尋陷於寇遷堡  
於府江東岸置守備自萬歷四年復置縣六年還



移西岸舊治即今治縣志

富州廢城本開江郡理龍平縣唐乾元元年移於

古武城郡為理所寰宇記

歸化廢縣在龍平縣西北三十里隋廢

安樂廢縣在龍平縣東北五里隋廢

博勞廢縣在龍平縣北三十二里隋廢

蒙靜廢縣在縣南百餘里省志梁置唐貞觀十三年

省入蒼梧

思懃廢縣在龍平縣北一百四十里在縣東北陶

唐村之東南省志

北陀城在馬江里縣東一百三十里舊為賊巢明

平樂府志

卷三十一 遺址

十三

萬歷二十八年大征總督戴耀築高二丈周三百

六十四丈三門門上有樓省志

仙迴城縣西北七十里明萬歷十三年大征土舍

黃仲拙捐造高一丈七尺周一百八十八丈為門三

省志

韋峒城縣東北九十里明萬歷八年土舍黃仲拙

捐築高一丈六尺周一百丈為門二縣志

古馬江縣在馬江里胡志在縣東南新設馬江巡檢

於此省志

梁置開江郡隋廢唐復置縣寰宇記觀察使殷侑

以馬援所開故名宋廢省志



朝烟閣在應天禪寺之上與古鉢山對峙明萬歷間邑人鄧國材鄉

迎恩樓明萬歷間知縣冷茂松建省志

小營在甯化里明末猺獞猖獗千戶李道清等率官兵於此至今壁壘依稀

百蠻遵道四大字在銅盆峽傍無款識或云康熙四十五年黃國材於此捐修江路題

香爐石在三寨周家埠大可二丈許上濶下小中空鼎足值歲旱焚香其巔禱雨輒應

飛來鐘在縣神武觀金志

陳滿塘在五指山巔有巖可坐百餘人石門上有

平樂府志

卷三十一

遺址

四

聯鑿云石洞雲封自古無人開秘竅玉門金鎖是誰有鑰透元關

古篆巖在寧化里大小南石壁上有古篆字不知何人筆奇古可愛

鎔石爐在招賢里山下形如錠質白而堅相傳平樂參將某用風爐數十架吹鍊幾鎔忽風雨驟至紅爐盡滅此造化之奇

振旅臺三大字在思懃江鷺村後石壁上相傳宋通判何璋屯師處以上俱縣志

玉白泉在銅盆峽宋治平沈紳刻龍門峽玉白泉六字有池水從崖上瀑飛一帶下大江瑩潔可愛



宋樊相閣墓在寧化里

明三烈墓在縣東岸貞女劉辰秀與庶母張氏郭氏墓此有祠一統志

宋逸士元光墓在羅令山

宋元祐間進士判縣相公廖致政墓在昭平里

明李把總墓在五將堡前墓前有李向陽祭文碑

明龍彪墓在東門天鵝塘

明黃仲拙墓在仙迴石壁塘

明別駕彥肅墓在金山圃

明龍在淵并妻節婦李氏墓在馬灘頭對岸

明岑將軍墓在上永山相傳將軍從征蒙墓於此

平樂府志

卷三十一

遺址

十五

或即田州土官遠祖無考

明王承聘墓在銅鼓丈四嶺

國朝廖世德墓在東閣塘以上俱縣志

永安州

正義廢縣在蒙州西北二十三里

寰宇記

唐置初名

純義改正義宋熙甯五年省入立山志

東區廢縣在州東南

一統志

嶺政廢縣在州治北

省志

立山廢縣在州東北半里城跡尚存

胡志蒙州所理

舊址在今州治東

一統志

蒙州故城在州西六里壕址尚存



舊古翁巡檢司

衆香書院署宅東知州鄧林尹建

仕優園丁亮工改衆春書院爲之

洛水亭東門池畔鄧林尹建

仙人跡在州南十里上下無路其中足跡五步許

光滑如有人行金志

寺觀

平樂縣

資壽寺舊志元豐元年秋芝生於資壽寺今失考

胡志在城南二里南山下一名南山寺又名資聖寺

一統志宋大中祥符六年芝生在龍嶽山金志

平樂府志

卷三十一 寺觀

六

普同塔院在城西對河唐吏部舊業也康熙三十年建

五龍寺在車陂橋內

水月庵在一點空禪林之前照磨劉湛建

壽佛庵在南關古鎮粵臺也

塘背庵一名佛慧庵今名金沙庵庵在文昌宮側

本金沙池廢康熙四年重建三十七年增觀音殿

一點空庵康熙八年知府楊榮蔭建在仙宮嶺下

太平庵在北關外

白雲庵在厲壇南今廢胡志嘉慶四年邑人重建

萬應庵在南關匯潭灣準提閣後



集龍觀在津平里

玉池觀在樂山里

茶庵在城外

紫竹庵一名張仙祠在城北樂水之西前奉千手  
大士後奉張仙故名唐世堯建今廢

蓮峰禪室在城南蓮花岡前僧無虛建

地藏庵在仙宮嶺後康熙四十九年寺僧古奪建

知縣黃大成有為拾骸檢字僧建募田疏志

長壽庵在元壇村

觀音庵在城外

準提閣在滙潭灣

平樂府志

卷三十一

寺觀

七

龍興觀在北關外知縣陳光龍每朔日鐸戶講約  
處

天慶觀在府城東宋大中祥符間郡守蕭某建今

廢

東山寺在下關右知縣陳光龍每望日命鐸戶講

約處即銅佛寺胡志舊傳有銅佛三尊夜半飛來後

復飛去因名康熙三十二年僧芬遠重修有碑記

志

西山寺有二一在城外西岸之北後改名西山庵

與天繪亭相輝映然歲久荒圯基址猶存一即定

觀寺在樂山



慶林寺舊志載郡守吳繹禱雨慶林寺甘霖大霽

今失考按金志作吳繹

北山寺在上關北岸久圯胡志有天鎮金志作閣宋

鄒浩嘗遊於此明陳公相有詩在城北十五里省志

南山寺在城外南岸今廢

福壽寺在西山天繪亭前

龍興寺在城北晉建今廢

永甯寺在城西門外康熙二十四年副總文養謚

建清幽宏麗為諸刹冠金志

恭城縣

紫微閣在城外江口黃牛石下康熙十二年知縣

平樂府志

卷三十一

寺觀

六

曹林韻重建扼水口鎮文峰

萬壽寺在東門外本縣習儀講約之所

金芝庵鳳凰巖一石洞廣四丈康熙十五年有僧

自修苦志修行趺坐而逝

祝壽庵在南城外明萬歷初建

國朝康熙四十四年知縣張載齡增修

富川縣

報恩寺在治東

江山寺在江邊今廢

紅巖寺在石壩塘

石門寺在東山不甚高大小石錯落森從自然成



門流水迴環樹木扶踈真佳境也

崇福寺在油草

高田寺在白霞

鐘山寺

水口庵

梓潼閣

鳳翔庵俱在鐘山鎮

朝陽庵在縣東五里

觀音閣在南門外有瑞光塔

竹葉庵在鐘山

丹霞觀在白霞傳為張道陵修煉處胡志城西三十

平樂府志

卷三十一

寺觀

十九

里金志

鎖水庵在縣江東南

賀縣

三乘寺在城內治東今廢胡志宋德祐間建雍正三

年袁膺善重修寺有南漢銅鐘省志銅鐘重千五百

筋聲聞數十里上有大漢大寶四年九月辛酉製

數字金志

準提庵在城內康熙六年通判白鰲宸修金志

玉皇樓在浮橋頭

賢天觀在桂嶺江口

浮山寺在大車灘胡志在城東十里宋建省志



福壽寺在白沙村

沸水寺在甌山脚上有瀑布泉長流不竭潺湲可觀宋建

觀音崑在姜八都

峽山寺在十八都

梵安寺在信都司前

會仙寺在二十一都

正覺庵在二十一都康熙四十二年里人黎士魁修

玉虛觀在承宣坊宋建

龍母廟在縣蒼梧門外神乃秦人碑備述其異金志

平樂府志

卷三十一 寺觀

三

修仁縣

迴龍寺在縣東南康熙五年知縣李子實重修其下卽象鼻巖每溪水泛漲吼聲如雷潑洒於象鼻潭故曰迴龍今爲祝釐之所省志二十五年知縣胡

挺松重修金志

梓潼觀明萬歷十四年建在縣東郭之高崗枕東面西傍倚修江觀前隙地廣濶數百畝有起春臺每歲迎春於此

國朝康熙二十八年知縣黎叶蓮重修金志

蘇武廟在蘇山之麓宋皇祐間知縣狄遵訓討寇禱助奏捷請建廟祀里人奉之甚虔凡禱雨禳災



輒有靈驗傍一石壁滴水不息下生一穴寬深不數寸味甚寒冽三五人聚飲不見有餘卽三五十人飲之未嘗不足凡祭祀宰牲皆取給於此源源不竭今廟雖圯禱祭者如故

莫王廟在西郭外明成化二十年建

地松廟在謝村山內廟下有龍潭遇旱祈雨至潭取水卽應明永樂四年建康熙五年鄉民重修

盤古廟在古峒後嶺明成化二十年建今廢蓋槃

瓠二字之訛耳

按江西安遠縣有盤古廟見明練子甯集

### 荔浦縣

接龍庵在北城外縣龍由此而入故建庵二進藉

## 平樂府志

### 卷三十一 寺觀

三

晨鐘暮鼓以振之

崇善庵在城東南坡下劉氏建

滿覺寺在縣東隅宋元豐年間重建改名金魚寺以石甃寺址如魚狀名曰金魚鎖水口今廢

壽山觀在縣北門外宏治十七年建萬歷七年知縣蔡用魁重建今爲接引寺知縣姜濟泰於墟市修瓦舖十間收墟息爲燈燭需

空湘寺在永蘇里宋建今廢

空法寺城東十里明建今廢

三界廟在縣東

眞武閣在縣二里今廢



王皇閣在鎮鄒關北宋建  
順應廟今圯

雷祠在縣治西明宣德四年知縣伍奇建

昭平縣

西山寺在昭平里宋淳祐二年進士陶希文建

寶珠觀在甯化里明萬歷間建乾隆九年修

安樂寺在黃姚街中順治年間建千戶李道清平  
猺獞立此祠故名安樂

銅鼓庵在上五都銅鼓嶺下順治初高僧野梅募  
建今圯

三汲寺在恩來里爲諸生會文之所

平樂府志

卷三十一

寺觀

三

鍾福寺在招賢里楊村寨明季建乾隆間黎翰賓  
重修

龍亭寺在昭平里今廢有鐘存上鑄廣西龍平縣  
高村坊開慶元年十二月造

泗洲寺在新建文塔下明萬歷三十八年建

觀音庵在威鎮塘傍布政司黃國材建豎桅杆凡  
遇洪水挂旗一面書此係雷霹險灘水漲切忌行  
船十二字久廢

永安州

泗洲寺在洲南一里舊在城西爲習儀之所明成  
化間建萬歷三年改建於州尾岳汝厚有碑記省志



國朝康熙六年修二十六年知州鄧林尹重修

金志

觀音閣在州南二里

五將廟在州西一里

莫王靈感廟在杜莫寨北門

元妙寺去州北一里

石蘭廟在龍定里文墟村供五兄弟神

大廟神祀龍定九娘

廣福廟在杜莫寨之城隍廟側

東平里落翁村山上有一古廟下有深潭潭內有

大鍋一口三月三日鄉人致祭

文奎樓在治東南一里知州羅鼎建清出隱沒弓

平樂府志

卷三十一

寺觀

三

兵田畝每年收禾五千四百觔本州賣銀貯庫二

月初三日支銀一兩祭魁支銀六錢修理文奎樓

文昌祠餘給鄉會試盤費

福興泗州庵在平塘村

蓮花庵在二里寨

仙臺寺在吳村寨山有兩石笋朝天建寺其下

松山庵在金蔴嶺上水由絕頂流遶庵傍茂林修

竹一州之勝

古寺亦在文墟村

元妙觀在杜莫寨北門獅子山上

坊表



平樂縣

樂邦首邑坊在縣治前明嘉靖中平樂縣知縣黃玠建久廢康熙四十九年知縣黃大成重建

龍池毓秀坊在縣學前

鳳嶺呈祥坊在縣學前已上二坊明萬歷戊申平

樂縣知縣陳御墀建今廢

萃美坊在明秀亭前今廢

明廉坊在城西江上

永遺德思坊在城西江邊明黃鍊為其母節婦陶

氏建

淑德坊明歲貢周一鳳為其母徐氏建

平樂府志

卷三十一

坊表

三

孝子坊為明孝子濮惟璋建

仁壽坊在誕山

貞節坊明萬歷年間為廩生莫夔妻朱氏建

富川縣

迎恩

仁義

振武

福壽

四坊在城內

大定

富陽

昇平

永鎮

永興

五坊在城外皆燬

地官坊萬歷四年為戶部郎中毛德正立

仁育義正坊今廢明萬歷十一年建

縣志

步月坊在南門外為舉人林茂立建今廢

登雲坊在縣前為舉人何鯤立建今廢

進士坊為毛章彥建明萬歷三十年建今廢

縣志



熙朝名宦坊明萬歷二十六年知縣謝貺爲知縣  
熊烈建今廢縣志

世及第卿坊明萬歷三十七年知縣張文耀爲副  
史汪若冰立今廢

桂林增秀坊明萬歷三十一年爲知縣周載仁立  
今廢

昌期登俊坊在學宮左知縣周篤棊建明萬歷三  
十七年知縣張文耀重建

昭代宣猷坊在學宮右明萬歷三十七年知縣張  
文耀建

兄弟進士坊明天啟間何廷相廷桂建

平樂府志

卷三十一 坊表

五

節婦坊雍正六年知縣徐大材爲唐氏建已上俱縣志

昭平縣

儒學東騰蛟坊西起鳳坊今圯

華居坊在南門外昇平街

三烈坊府江道王聘賢爲劉氏三烈建在縣東貞

風橋墓前

世科坊爲廖世德建在昭平里